



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCXLVII. ad annum CCCCI.

**Parisiis, 1644**

Concilivm Bvrdigalense Adversvs Priscillianistas, eorumque auctorem  
Priscillianum, Arcadio Augusto & Bautone consulibus congregatum, anno  
Christi CCCXXCV. Siricii papae I. Maximi imperatoris II.

**urn:nbn:de:hbz:466:1-15256**

ne sancto numini dicata conuellas. Italiam omnem, & venerabilem Romam, ceterasque prouincias suis ecclesiis, suis sacerdotibus reddas, neque te medium interferas, cum fas sit iustius eos, qui a catholica ecclesia Arianorum interpretatione discesserint, errorem suum vera religione mutare, quam recte sentientibus suam immittere prauitatem.

CONCILIVM BVRDIGALENSE  
ADVERSVS PRISCILLIANISTAS,  
eorumque auctorem Priscillianum,

*Arcadio Augusto & Bautone consulibus congregatum,  
anno Christi cccxxcv. Siricii papæ I.  
Maximi imperatoris II.*

ANNO  
CHRISTI  
385.

DAMNATI iam antea fuerant Priscillianistæ a Synodo Cæsaraugustana, tum deinde Gratiani imperatoris rescripto relegati. Sed cum a Gratiano eodem rescriptum alterum elicuissent, quo restitui ecclesiis iubebantur, egit Ithacius præcipuus illorum infectator cum Maximo, qui tum cæso Gratiano Gallias obtinebat, vt de his iudicium instauraretur. quod factum est in hac Synodo Burdigalensi. Ad quam cum deducti fuissent inter ceteros Instantius & Priscillianus, Instantio episcopatus abrogatus est; Priscillianus vero, vt Synodi iudicium euaderet, ad principem prouocauit: cuius postmodum sententia capitis damnatus est. Quæ omnia fusius exequitur Sulpitius Seuerus libro II. sacræ historiæ. De Synodo autem nostra his verbis: *Quibus, inquit, permotus imperator, datis ad præfectum Galliarum, atque ad vicarium Hispaniarum literis, omnes omnino, quos labe illa inuoluerat, deduci ad Synodum Burdigalensem iubet. Ita deducti Instantius & Priscillianus. quorum Instantius prior iussus causam dicere, postquam se parum expurgabat, indignus esse episcopatu pronuntiatus est: Priscillianus vero, ne ab episcopis audiretur, ad principem prouocauit. Permissumque id nostrorum inconstantia: quia aut sententiam in refragantem ferre debuerant; aut si hi ipsi suspecti habebantur, aliis episcopis audientiam reseruare, non causam imperatori de tam manifestis criminibus*



permittere. Ita omnes, quos causa inuoluerat, ad regem deducti. Prosper item in chronico. Arcadio & Bautone consulibus, Priscillianus in Synodo Burdigalensi se dammandum intelligens, ad imperatorem Maximum prouocauit: auditusque Treuiris ab Euodio præfecto prætorio, a Maximo gladio addictus est, cum Eucrocia Delphidii rhetoris coniuge, & Latroniano, aliisque erroris consortibus.

NOTA.

Causa Concilii.

\* Concilium. ] Cum Priscillianus Cæsaraugustano Concilio damnatus, Gratiani rescripto restitutus fuisset, Ithacius apud Maximum imperatorem eundem vicissim citra protestationem de hæresi aliuve criminibus accusauit, mortisque supplicio dignum denuntiavit. Maximus imperator his accusationibus permotus, hanc Burdigalensem Synodum indici, atque Priscillianum cum Instantio ad eam citari & adduci mandauit. Vbi causam dixissent, Instantius episcopatu indignus pronuntiatus est. Priscillianus se dammandum intelligens, ad principem prouocauit. Cum iudices appellationi male detulissent, eamque contra ius & constitutiones ecclesiæ admisisent, Treuiris hæresiarcha auditus, bis conuictus, tandem cum quibusdam aliis iussu Maximi gladio est occisus. Hæc ex Seucro lib. 2. & Prosper. chron. Baron. ann. 385. num. 22. 23. & 24.

Priscillianus hæresiarcha bis conuictus, Treuiris obtruncatur.

CONCILIVM ROMANVM  
SVB SIRICIO.

Tempus & causa Concilii.

\* Concilium Romanum. ] Anno Christi 386. ipso mense Ianuario, Romæ in basilica S. Petri celebratum est Concilium octoginta episcoporum, ad collapsam disciplinam in Africana ecclesia restaurandam. In Synodo nihil decretum, quod non apostolicis aut Nicænis Canonibus ante constitutum fuerat. Vnde Concilium, quod nominatur Carthaginense, cælibatum sacrorum ministrorum, non ex lege Siricii, sed apostolica auctoritate institutum sibi vendicat. Quos in Synodi epistola Siricius pontifex Montenses appellat, Donatistas fuisse, sciendum est: sic dictos, quod in montibus agere & conuenire solerent.

Montenses qui & cur sic dicti.

Innouatæ constitutiones huius Concilii, in Concilio Teleptensi, sub Honorio imperatore in Africa celebrato, recitatæ fuerunt. Vide Baron. ann. 386. num. 2. & 3.

CON-